

陸宣公奏議讀本

陸宣公奏議讀本

四
冊

冊

冊

第

陸宣公奏

議讀本

己酉冬
李正華
題



會稽馬
氏藏本

陸宣公奏議讀本目錄

卷一

論兩河及淮西利害狀

論關中事宜狀

論敘遷幸之由狀

奉天論奏當今所切務狀

奉天論前所答奏未施行狀

奉天論數對羣臣兼許令論事狀

奉天論尊號加字狀

重論尊號狀

奉天論赦書事條狀

奉天論擬與翰林學士改轉狀

請遣使臣宣撫諸道遭水州縣狀

論淮西管內水損處請同諸道遣宣慰使狀

卷三

謝密旨因論所宣事狀

論嶺南請於安南置市舶中使狀

論宣令除裴延齡度支使狀

論齊映齊抗官狀

請減京東水運收腳價於緣邊州鎮儲蓄軍糧事宜狀

論緣邊守備事宜狀

商量處置竇參事體狀

奏議竇參等官狀

請不簿錄竇參莊宅狀

請還田緒所寄撰碑文馬綰狀

請依京兆所請折納事狀

議汴州逐劉士宐事狀

請不與李萬榮汴州節度使狀

論度支令京兆府折稅市草事狀

論左降官準赦合量移事三狀

論邊城儲備米粟等狀

卷四

論裴延齡姦蠹書一首

論朝官開貲及刺史等改轉倫序狀

均節賦稅恤百姓第一條

第二條

第三條

第四條

第五條

第六條

制誥附

奉天改元大赦制

蝗蟲避正殿降免囚徒德音

制策問賢良方正能直言極諫科

制策問博通墳典達於教化科

制策問識洞韜略堪任將帥科

觀說官起全篇

陸宣公翰苑集序

唐權德輿撰

原序

大志

張鎰知人

清操

嘗讀賈誼書。觀其經制人文。鋪陳帝業。術亦至矣。待之宣室。恨得後時。遇亦深矣。然竟不能達四聰而盡其善。排群議而試厥謀。道之難行。亦已久矣。東陽絳灌。何代無之。嘻。一薰一蕕。善齊不能同。其器方鑿圓。杓良工。無以措巧心。所以理世少而亂日多。大雅衰而正聲寢。漢道未融。既失之於賈傅。吾唐不幸。復擯棄於陸公。公諱贄。字敬輿。吳郡蘇人。溧陽令侃之子。年十八。登進士第。應博學宏辭科。授鄭縣尉。非其好也。省母歸。壽春刺史張鎰有名於時。一獲晤言。大加賞識。暨別。鎰以泉貨數萬爲賁。曰。願以此奉太夫人。一日。之膳。公悉辭之。領新茶一串而已。是歲以書判拔萃。調渭南簿。本傳作尉御史府以監察換之。德宗皇帝春宮時知名。召對翰林。卽日爲學士。由祠部員外轉考功郎中。

敏才

特識

忽插入論教語
文氣損宕入妙

言是動人

務敏小心二語是朕
宣公一生節概

德宗知公可謂深矣
遇公可謂厚矣終不
能排厚議而信任之

朱泚之亂。從幸奉天。時車駕播遷。詔書旁午。公灑翰卽成。不復起草。初若不經思慮。及成而奏。無不曲盡事情。中於機會。倉卒填委同職者。無不拱手歎服。不能復有所助。嘗從容奏曰。此時詔書陛下宜痛自引過。以感人心。昔禹湯以罪己。勃興楚昭以善言復國。陛下誠能不恡改過。以言謝天下。俾臣草辭無諱。庶幾羣盜革心。上從之。故行在詔書始下。雖武人悍卒。無不揮涕激發。議者以德宗克平寇亂。不惟神武之功。爪牙宣力。蓋亦資文德腹心之助焉。及還京師。李抱真來朝。奏曰。陛下在山南時。山東士卒聞書詔之辭。無不感泣思奮。臣節臣知賊不足平也。公自行在帶本職。拜諫議大夫中書舍人。精敏小心。未嘗有過。艱難扈從。行在輒隨。啟沃謀猷。特所親信。有時讌語。不以公卿指名。但呼陸九而已。初幸梁洋。棧道危狹。從官前後相失。上夜

謂昨命而何
插敘即補敘亦連
敘也

此敘敘公節操典
上刺史張鑑一段
遙應

再敘德宗後待為
後面疑公忠州蓄
勢

得人

宣公一生心事二語通
徹

次山館召公不至。泣然號於禁旅。曰：得陸贄者，賞千金。頃之，公至。太子親王皆賀。初，公既職內署，母韋氏尚在吳中。上遣中使迎致京師，道路置驛，文士榮之。丁韋夫人憂，去職持喪於洛，遣人護湔陽之柩，附葬河南。上遣中使監護其事。四方賻遺數百萬，公一無所取。素與蜀帥韋南康布衣友善，韋令每月置遺。公奏而受之。服闋，復內職，權知兵部侍郎。覲見之日，天子為之興改容。敘弔優禮如此。內外屬望旦夕，俟其輔政。為竇參忌嫉，故緩之。真拜兵部侍郎，知貢舉。得人之盛，公議稱之。貞元八年，拜中書侍郎、平章事。公以少年入侍內殿，特蒙知遇，不可與眾浮沈。苟且自愛，事有不可必諍之上。察物太精，躬臨庶政，失其大體。動與公違。姦諛從而間之。屢至不悅。親友或規之，公曰：吾上不負天子，下不負吾所學，不恤其他。公精於吏事，斟酌剖決不爽。錙

知人善任真宰相才也

鯁直

送東二句作上下轉振

省字識有法於此可謂精敏心未嘗有過也

按叙一處文氣至此一振

銖其經綸制度具在德宗實錄及竇參納劉士寧之賂爲李異所發得罪左遷橫議者以公與參素不協歸罷相之議於公戶部侍郎判度支裴延齡以姦回得幸害時蠹政物議莫敢指言公獨以身當之屢言不可翰林學士吳通元忌公先達每切中傷陰結延齡互言公短宰相趙憬公之引拔升爲同列以公排邪守正心復異之羣邪沮謀直道不勝十年退公爲賓客罷政事明年夏旱芻糧不給軍校訴於上延齡奏曰此皆陸贄輩怨望鼓扇軍人也貶公忠州別駕上怒不可測賴陽城張萬福救之獲免蜀帥韋令抗表請以贄代己歲賂資糧公在南賓閉門却掃郡人稀識其面復避諂不著書惟考校醫方撰集驗方五十卷行於世江峽十稔永貞初與鄭餘慶陽城同徵還公已薨歿時年五十二公之秉筆內署也推古揚今雄文藻思敷之爲

補序心是振序

再提堂議論唱嘆
一審此亮其說
豈有相應

比前切當些些
一審二審四語連應

文誥伸之爲典謨。俾獬狔向風。懦夫增氣。則有制誥集一十卷。
覽公之作。則知公之爲文也。潤色之餘。論思獻納。軍國利害。巨
細必陳。則有奏草七卷。覽公之奏。則知公之爲臣也。其在相位
也。推賢與能。舉直措枉。將幹璿衡。而揭日月清氛。沴而平泰階。
敷其道也。與伊說爭衡。考其文也。與典謨接軫。則有中書奏議
七卷。覽公之奏議。則知公之事君也。古人以士之遇也。其要有
四焉。才位時命也。仲尼有才而無位。其道不行。賈生有時而無
命。終於一慟。惟公才不謂不長。位不謂不達。逢時而不盡其道。
非命歟。裴氏之子焉。能使公不遇哉。說者又以房魏姚宋逢時。
遇主克致清平。陸君亦獲幸時君。而不能與房魏爭烈。蓋道未
至也。應之曰。道雖在我。宏之在人。蜚蝗竟天。農稷不能善稼。奔
車覆轍。孔孟亦廢規行。若使四君與公易時。而相一否一臧。未

可知也。而致君不及貞觀。開元者。蓋時不幸也。豈公不幸哉。以爲其道未至。不亦誣乎。公之文集。有詩文賦集。表狀爲別集。十五卷。其關於時政。昭昭然與金石不朽者。惟制誥奏議乎。雖已流行。多謬編次。今以類相從。冠於編首。兼略書其官氏景行。以爲序引。俾後之君子。覽公制作。效之爲文。爲臣事君之道。不其偉歟。

順宗實錄

唐韓愈撰

通篇不裝頭尾直
起直落
先掌序其官

次序其文

次序其識見謀略

紀云陸諱贄字敬輿吳郡人也年十八進士及第又以博學宏
詞授鄭縣尉書判拔萃授渭南尉遷監察御史未幾遷爲翰林
學士遷祠部員外郎德宗幸奉天贄隨行在天下搔擾遠近徵
發書詔一日數十下皆出於贄贄操筆持紙成於須臾不復起
草同職皆拱手嗟嘆不能有所助常啟德宗言方今書詔宜痛
自引過罪己以感人心昔成湯以罪己致興後代推以爲聖人
楚王失國亡走一言善而復其國至今稱爲賢者陛下誠能不
怙改過以言謝天下臣雖愚陋爲詔詞無所忌諱庶能令天下
叛逆者回心喻旨德宗從之故行在制誥始下聞者雖武人悍
卒無不揮涕感激議者咸以爲德宗剋平寇難旋復天位不惟
神武成功爪牙宣力蓋以文德廣被腹心有助焉累遷考功郎

又次序其得人

再敘其察史位滿

此進余其政馳由
是原序法亦是提

序法

提序一事又添序數

唐存有家難序體

簡潔明淨

中諫議大夫中書舍人兼翰林學士丁母憂免喪權知兵部侍郎復入翰林中外屬意旦夕竢其爲相竇參深忌之贊亦短參之所爲且言其黷貨於是與參不能平尋真拜兵部侍郎知禮部貢舉於進士中得人爲多八年春遷中書侍郎平章事始令吏部每年集選人舊事吏部每年集人其後遂三年一置選選人猥至文書多不了尋勘真僞紛雜吏因得大爲姦巧選士一蹉跌或至十年不得官而官之闕者或累歲無人贊令吏部分內外官員爲三分計闕集人以爲常其獎十去七八天下稱之初竇參出李翼爲常州刺史且迫其行翼常銜之至參貶爲郴州別駕翼適遷湖南觀察德宗常與參言故相姜公輔罪參漏其語參敗公輔因上疏自陳其事非臣之故德宗詰之知參洩其語怒未有所發會翼奏汴州節度劉士甯遺參金帛若干士

有膽識豈自此取
怒於小人矣

連序眾人稱陽
在止有陰利之憂
公之不能委其身也

市究成於三人投行
起於屬王德宗雖
任公非先焉能不疑
公於後此故皆由
於任用小人也

甯得汴州參處其議士甯常德之故致厚貺德宗以參得罪而
以武將交結發怒竟致參於死而議者多言參死由贊焉裴延
齡判度支天下皆嫉怨而獨幸於天子朝廷無敢言其短者贊
獨身當之日陳其不可用延齡固欲去贊而代之又知贊之不
與己多阻其奏請也謗毀百端翰林學士吳通元故與贊同職
姦巧佻薄與贊不相能知贊與延齡相持有間因盛言贊短宰
相趙憬本贊所引同對嫉贊之權密以贊所戢彈延齡事告延
齡延齡益得以爲計由是天子益信延齡而不直贊竟罷贊相
以爲太子賓客而黜張滂李充等權言事者皆言其屈贊固畏
懼至爲賓客拒門不納交親士友春旱德宗數獵苑中延齡疏言贊
等失權怨望言於眾曰天下旱百姓且流亡度支愛惜不肯給
諸軍軍中人無所食其事奈何以搖動羣心其事非止欲中傷

公之貶忠州實受
逆齡及宦信平君
子貴見其

公生平忠愛之忱數
語見見底蘊
種意愈著人少典
上文議者多言其
由執及言事者皆曰
言其屈而向泰有
自明

要其止不微議意
限歎息

臣而已。後數日。又獵苑中。會神策軍人跪馬前云。度支不給馬
草。德宗意延齡。前言。即迴馬而歸。由是貶贄爲忠州別駕。滂充
皆斥逐。德宗怒未解。贄不可測。賴陽城等救。乃止。贄之爲相。常
以少年入翰林。得幸於天子。長養成就之。不敢自愛。事之不可
者。皆爭之。德宗在位久。益自攬持。機柄親治。細事失。君人大體
宰相益不得行其事。職而議者。乃云。由贄而然。贄居忠州十餘
年。常閉門。不出。人無識面者。避謗不著。書習醫方。集古今名
方。爲陸氏集驗方五十卷。卒於忠州。年五十二。上初卽位。與鄭
餘慶陽城同徵。詔始下。而城贄皆卒。